

萬 有 文 庫

第二集七百種

王 雲 五 主 編

史

繹

(五)

馬 驢 撰

商 務 印 書 館 發 行

釋史卷十一

三代第一

禹平水土

【大戴禮記】顓頊產鯀。鯀產文命。是爲禹。鯀娶於有莘氏。有莘氏之子。謂之女志氏。產文命。〔世本〕鯀取謂之女志。是生高密。

【史記】夏禹名曰文命。禹之父曰鯀。鯀之父曰帝顓頊。顓頊之父曰昌意。昌意之父曰黃帝。禹者。黃帝之玄孫。而帝顓頊之孫也。禹之曾大父昌意。及父鯀。皆不得在帝位。爲人臣。

【漢書】伯禹。帝系曰。顓頊五世而生鯀。鯀生禹。〔山海經〕黃帝生駱明。駱明生白馬。白馬是爲鯀。○史言顓頊生鯀。漢書言五世生鯀。山海經謂黃帝駱明。其說異也。

【吳越春秋】鯀娶於有莘氏之女。名曰女嬉。年壯未孳。嬉於砥山。得薏苡而吞之。意若爲人所感。因而妊孕。剖脅而產高密。家於西羌。地曰石紐。石紐在蜀西川也。〔隨巢子〕禹產於崑石。〔遁甲開山圖〕古有大禹。女千六百歲。堯理天下。洪水既甚。人民墊溺。大禹念之。乃化生於石紐山泉。女狄暮汲水。得石子如珠。愛而吞之。有娠。十四月生子。及長。能知泉源。代父鯀理洪水。堯帝知其功。如古大禹知水源。乃賜號禹。

【帝王世紀】伯禹。夏后氏。姒姓也。父鯀。妻修己。見流星貫昴。夢接意感。又吞神珠薏苡。胷拆而生禹於石坳。虎鼻大口。兩耳參漏。首戴鈎鈐。胸有玉斗。足文履已。故名文命。字高密。身長九尺二寸。長於西羌。西羌

夷人也。

〔宋符瑞志〕帝禹有夏氏。母曰修己。出行見流星貫昴。夢接意感。既而吞神珠。修己背剖而生禹於石紐。長有聖德。長九尺九寸。〔尚書帝命期〕禹。白帝精。以星感修己。山行見流星。意感栗然。生如戎文禹。禹母之名。諸書不同。〔論衡〕禹母吞薏苡而生禹。故夏姓曰姒。〔淮南子〕禹耳參滿。是謂大通。與利除害。疏河決江。〔尚書帝命期〕有人大口。兩耳參滿。足文履已。首戴鈎鈐。胸懷玉斗。分別九州。隨山濬川。任土作貢。

〔書〕帝曰咨四岳湯湯洪水方割蕩蕩懷山襄陵浩浩滔天下民其咨有能俾乂僉曰於鯀哉帝曰吁咈哉方命圯族岳曰異哉試可乃已帝曰往欽哉九載績用弗成〔前編〕堯六十一載。洪

〔史記〕當帝堯之時鴻水滔天浩浩懷山襄陵下民其憂堯求能治水者羣臣四嶽皆曰鯀可堯曰鯀爲人負命毀族不可四嶽曰等之未有賢於鯀者願帝試之於是堯聽四嶽用鯀治水九年而水不息功用不成於是帝堯乃求人更得舜舜登用攝行天子之政巡狩行視鯀之治水無狀乃殛鯀於羽山以死天下皆以舜之誅爲是

〔越絕書〕堯遭帝嚳之後亂洪水滔天堯使鯀治之九年弗能治堯七十年而得舜舜明知人情審於地形知鯀不能治數諫不去堯殛之羽山此之謂舜之時鯀不從令也。〔楚辭注〕鯀治水。績用不成。堯乃放殺之於羽山。絕在不毛之地。三年不舍其罪。〔述異記〕堯使鯀治水。不勝其任。遂誅鯀于羽山。化爲黃能。入于羽泉。黃能卽黃熊也。陸居曰熊。水居曰能。〔拾遺記〕堯命鯀治水。九載無績。鯀自決於羽淵。化爲玄魚。時揚鬚振鱗。橫修波之上。見者謂爲河精。羽淵與河海通源也。海民於羽山之中修立敝廟。四時以致祭祀。常見玄魚與蛟龍跳躍而出。觀者驚而畏矣。至舜命禹疏川奠岳。濟巨海。則鼉鼉而爲梁。踰翠峯。則神龍而爲馭。行徧日月之墟。惟不踐羽山之地。

〔山海經〕洪水滔天鯀竊帝之息壤以堙洪水不待帝命帝令祝融殺鯀于羽郊鯀復生禹帝乃命禹卒

〔歸藏〕鯀死三歲不腐。剖之以吳刀。化爲黃龍。

布土定九州。〔說文〕堯遭洪水。民居水中高土。故曰九州。

【史記】於是舜舉鯀子禹而使續鯀之業。〔易林〕舜升大禹。石夷之野。徵諸王庭。拜治水土。

禹爲人敏給克勤其德不遠其仁可

親其言可信聲爲律身爲度稱以出。亶亶穆穆爲綱爲紀。禹乃遂與益后稷奉帝命命諸侯百姓興人徒以傅土行山表木定高山大川。禹傷先人父鯀功之不成受誅乃勞身焦思居外十三年過家門不敢入薄衣食致孝于鬼神卑宮室致費於溝洫陸行乘車水行乘船泥行乘橇山行乘櫓左準繩右規矩載四時以開九州通九道陂九澤度九山令益子衆庶稻可種卑溼命后稷子衆庶難得之食食少調有餘相給以均諸侯。〔尚書利德考〕禹長於地理水泉九州得括象圖故堯以爲司空。

【帝王世紀】禹其父既放降在匹庶有聖德夢自洗於河而四嶽師舉之舜進之堯堯命以爲司空繼鯀治水乃勞身涉勤不重徑尺之璧而愛日之寸陰手足胼胝故世傳禹病偏枯足不相過至今巫稱禹步是也。〔法言〕晉者蚩氏治水土而巫步多禹。〔尚書大傳〕禹其跳其跳者隋也。

【鹽鐵論】禹蹙洪水身親其勞澤行路宿過門不入當此之時簪墮不掇冠挂不顧

【吳越春秋】禹傷父功不成循江汭河盡濟甄淮乃勞身焦思以行七年聞樂不聽過門不入冠挂不顧履遺不躡功未及成愁然沈思

【尸子】古者龍門未開呂梁未鑿河出於孟門之上大溢逆流無有丘阜高陵盡皆滅之名曰鴻水禹於

是疏河決江十年不闕其家。手不爪。脛不生毛。生偏枯之病。步不相過。人曰禹步。禹長頭烏喙。面貌亦惡矣。天下從而賢之。好學而已。〔莊子〕兩祖女浣於白水之上。禹過之而趨。曰。治天下奈何。女曰。脛無肢。脛不生毛。顏色皴凍。手足胼胝。何以至是也。○今本無。

【呂氏春秋】禹東至搏木之地。日出九津。青羌之野。攢樹之所。摺天之山。鳥谷青丘之鄉。黑齒之國。南至交趾。孫樸續櫛之國。丹粟漆樹。沸水漂漂。九陽之山。羽人裸民之處。不死之鄉。西至三危之國。巫山之下。飲露吸氣之民。積金之山。共肱一臂三面之鄉。北至人正之國。夏海之窮。衡山之上。犬戎之國。夸父之野。禹彊之所。積石之山。不有懈墮。憂其黔首。顏色黎黑。竅藏不通。步不相過。以求賢人。欲盡地利。至勞也。得陶化益。真窺橫革之交。五人佐禹。故功績銘乎金石。著於盤盂。禹入裸國。裸入衣出。因也。

【墨子】禹治天下。西爲西河漁竇。以泄渠孫皇之水。北爲防原。派注后之邸。噉池之竇。洒爲底柱。鑿爲龍門。以利燕代。胡貉與西河之民。東爲漏之陸防。蓋諸之澤。灑爲九澮。以楫東土之水。以利冀州之民。南爲江漢。淮汝東流之。注五湖之處。以利荆楚。越與南夷之民。○疑有脫誤。〔楚辭注〕萬平治水土。萬民皆得耕種。黑黍於藿蒲之地。盡爲良田。

【淮南子】舜之時。共工振滔洪水。以薄空桑。龍門未開。呂梁未發。江淮通流。四海溟滓。民皆上丘陵。赴樹木。舜乃使禹疏三江五湖。關伊闕。導澶澗。平流溝陸。流注東海。鴻水漏。九州乾。萬民皆寧其性。〔山海經〕共工之臣曰相柳氏。九首。以食於九山。相柳之所抵。厥爲澤谿。禹殺相柳。其血腥。不可以樹五穀種。禹厥之。三仞三沮。乃以爲衆帝之臺。共工臣名曰相繇。九首蛇身。自環。食於九土。其所歆所尼。卽爲源澤。不辛乃苦。百獸莫能處。禹湮洪水。殺相繇。其血腥臭。不可生穀。其地多水。不可居也。禹湮之。三仞三沮。乃以爲池。羣帝是因以爲臺。○一事兩載之。奇文變幻。不厭疊出。

禹沐浴霑雨。櫛扶風。決江疏河。鑿龍

門闢伊闕。修彭蠡之防。乘四載。隨山槩木。平治水土。定千八百國。〔河圖括地象〕禹所治四海內地。東西二萬八千里。南北二萬六千里。有君長之州。州有九千八百步。豎亥右手把算。左手指青丘北。一曰禹令豎亥。一曰五億十萬九千八百步。禹之時。天下大水。禹身執殛。垂以爲民先。別河而道。九岐鑿江。而通九路。辟五湖。而定東海。當此之時。燒不暇擯。濡不給挖。死陵者葬。陵死澤者葬。澤故節財薄葬。簡服生焉。

【史記】禹抑洪水。十三年。過家不入門。陸行乘車。水行載舟。泥行蹈蹻。山行卽橋。以別九州。隨山浚川。任土作貢。通九道。陂九澤。度九山。然河舊衍溢。害中國也尤甚。唯是爲務。故道河自積石。歷龍門。南到華陰。東下砥柱。及孟津。維汭。至于大邳。於是禹以爲河所從來者高。水湍悍。難以行平地。數爲敗。乃斷二渠。以引其河。北載之高。地過降水。至于大陸。播爲九河。同爲逆河。入于勃海。九川既疏。九澤既灋。諸夏艾安。功施于三代。〔淮南子〕禹爲水。以身解於陽昞之河。〔博物志〕昔夏禹觀河。見長人魚身。出曰。吾河精。蓋河伯也。〔水經注〕禹治洪水。西至洪水之上。見長人。受黑玉璽。〔尚書中候〕禹觀於濁河。而授綠字。

【吳越春秋】乃案黃帝中經曆。蓋聖人所記曰。在於九山東南天柱。號曰宛委。赤帝在闕。其巖之巔。承以文玉。覆以盤石。其書金簡青玉爲字。編以白銀。皆璩其文。禹乃東巡。登衡嶽。血白馬以祭。不幸所求。禹乃登山。仰天而嘯。因夢見赤繡衣男子。自稱玄夷蒼水使者。聞帝使文命於斯。故來候之。非厥歲月。將告以期。無爲戲吟。故倚歌覆釜之山。東顧謂禹曰。欲得我山神書者。齋於黃帝巖嶽之下。三月庚子。登山發石。金簡之書存矣。禹退。又齋。三月庚子。登宛委山。發金簡之書。案金簡玉字。得通水之理。復返歸嶽。乘四載。

以行川。始於霍山。徊集五嶽。

峒巖碑文

峒巖碑文

經前夢夢金門帝歸後夢夢
 齊周禮樂是氣以爲國五穀
 爲國禮樂是氣以爲國五穀

【譯文】承帝曰：嗟！輔佐卿。洲渚與登。鳥獸之門。參身宏流。而明發爾典。久旅忘家。宿嶽麗庭。智營形析。心罔弗
 辰。往來平定。嶽大衡。宗疏事衰。勞餘仲禮。鬱塞皆徙。南濱衍亭。衣制食備。萬國其寧。竄舞永奔。○按衡山記
 云。夏禹導水通瀆。刻石書名山之巔。〔湘中記〕衡山有玉牒。禹案其文治水。遙望衡山如陣雲。沿湘千里。九向九背
 遇不復見。〔荊州記〕禹登南嶽而祭之。獲金簡玉字之書曰。祝融司方發其英。沐日浴月百寶生。〔古今樂錄〕襄陵
 操。禹治洪水。上會稽山。顧而作此歌曰。嗚呼洪水滔天。下民愁悲。上帝愈咨。三過吾門不入。父子道衰。嗟嗟不欲
 煩下民。〔遁甲開山圖〕禹開委宛山。得赤珪如日。碧珪如月。長一尺二寸。○宛委在會稽。一名玉笥山。按禹未嘗兩
 至會稽。其至越曾計。非
 治水時也。蓋傳疑矣。

【吳越春秋】遂巡行四瀆。與益夔共謀。行到名山大澤。召其神而問之。山川脈理。金玉所有。鳥獸昆蟲之
 類。及八方之民俗。殊國異域。土地里數。使益疏而記之。故名之曰山海經。〔論衡〕禹益並治洪水。禹主治水。
 以所聞見。作山海經。非禹益行遠。益主記異物。海外山表。無遠不至。
 山海不造。然則山海之造。見物博也。使太章步東西。豎亥度南北。噶八極之廣。旋天地之數。於是周行寓

內東造絕迹。西延積石。南踰赤岸。北過寒谷。徇崑崙。察六屬。脈地理。名金石。寫流沙於西隅。決弱水於北漢。青泉赤淵。分入洞穴。通江東流。至於碣石。疏九河於潛淵。開五水於東北。鑿龍門。闢伊闕。平易相土。觀地分州。殊方各進。有所納貢。民去崎嶇。歸於中國。〔淮南子〕天下大雨。禹令民聚土積薪。擇丘陵而處之。〔呂氏春秋〕禹周於天下。以求賢者。事利黔首。水潦川澤之滯。壅塞可通者。禹盡爲之。禹通三江五湖。決伊闕。溝迴陸。注之東海。因水之力也。〔古岳瀆經〕禹治水。三至桐山。驚風迅雷。石號木鳴。五伯擁川。天老肅兵。不能與。禹怒。召集百靈。授命夔龍。桐柏于君長稽首。禹因四鴻。家氏商章氏兜氏。盧氏瑋婁氏。乃獲淮渦水神。名巫支祈。善應對。言語。辨江淮之淺深。原隰之遠近。形若獼猴。縮鼻高。額。青驅白首。金目雪牙。頸仰百尺。力踰九象。搏擊騰蹕。疾奔輕利。倏忽間視。不可久。禹乃授之童律。不能制。授之烏木田。不能制。授之庚辰。能制。鴟脾桓胡。水魅山靈。木妖石怪。奔號縈繞。以幾千數。庚辰持戟逐去。禹見雲華。大索。鼻穿金鈴。徒之淮陽之龜山足下。淮永安流。○岳瀆經。惜逸亡。不多見。據此。文亦奇矣。集仙錄云。禹見雲華夫人。其後鑿淮渦之神。無支祇於龜山也。〔拾遺記〕禹鑿龍關之山。亦謂之龍門。至一空巖。深數千里。幽暗不可復行。禹乃負火而進。有獸狀如豕。銜夜明之珠。其光如燭。又有青犬。行吠於前。禹計可十里。迷於晝夜。既覺漸明。見向來豕犬。變爲人形。皆著玄衣。又見一神。蛇身人面。禹因與語。神即示禹八卦之圖。列於金板之上。又有八神侍側。禹曰。華胥牛聖子。是汝邪。答曰。華胥是九河神女。以生余也。乃探玉簡授禹。長一尺二寸。以合十二時之數。付量度天地。禹即執持此簡。以平定水土。蛇身之神。即羲皇也。○今水。

【淮南子】禹南省方。濟於江。黃龍負舟。舟中之人。五色無主。禹乃熙然而稱曰。我受命於天。竭力而勞萬

民生。寄也死。歸也何足。以滑和。視龍猶蝦蟇。顏色不變。龍乃弭耳掉尾而逃。〔抱朴子〕禹乘二龍。郭支爲馭。〔楚辭注〕禹治洪水時。有神龍。

以尾畫導水徑所當決者。因而治之。〔拾遺記〕禹盡力溝瀆。導川夷岳。黃龍曳尾於前。玄龜負青泥於後。玄龜。河精之使者也。龜額下有印。文皆古篆字。作九州山川之字。禹所穿鑿之處。皆以青泥封記其所。使玄龜印其上。〔禮舍文嘉〕禹卑宮室。垂意於溝瀆。百穀用成。神龍至。靈龜服。玉女敬養天賜。〔宋符瑞志〕玉女。天賜妾也。〔拾遺記〕南瀆之國。有洞穴陰源。其下通地脈。中有毛龍。時蛟骨於曠澤之中。魚龍同穴而處。其國獻毛龍。一雌一雄。放

置象龍之宮。至夏代。養龍不絕。因以命族。〔拾遺記〕禹導川。乘此龍。及四海攸同。反放河訥。

禹導川。乘此龍。及四海攸同。反放河訥。

【書】禹敷土。隨山刊木。奠高山大川。冀州既載壺口。治梁及岐。既修太原。至于岳陽。覃懷底績。至于衡漳。厥土惟白壤。厥賦惟物上錯。厥田惟中中。恒衛既從。大陸既作。島夷皮服。夾右碣石入于河。濟河惟兗州。九河既道。雷夏既澤。灋沮會同。桑土既蠶。是降丘宅土。厥土黑墳。厥草惟繇。厥木惟條。厥田惟中下。厥賦貞。作十有三載。乃同。厥貢漆絲。厥篚織文。浮于濟漯。達于河。海岱惟青州。嵎夷既略。濰淄其道。厥土白墳。海濱廣斥。厥田惟上下。厥賦中上。厥貢鹽絺。海物惟錯。岱畎絲枲。鉛松怪石。萊夷作牧。厥篚檠絲。浮于汶。達于濟。海岱及淮惟徐州。淮沂其乂。蒙羽其藝。大野既豬。東原底平。厥土赤埴墳。草木漸包。厥田惟上中。厥賦中中。厥貢惟土五色。羽畎夏翟。嶧陽孤桐。泗濱浮磬。淮夷蠙珠暨魚。厥篚玄纁綺。浮于淮。泗達于河。淮海惟揚州。彭蠡既豬。陽鳥攸居。三江既入。震澤底定。篠簜既敷。厥草惟夭。厥木惟喬。厥土惟塗泥。厥田惟下下。厥賦下上上錯。厥貢惟金三品。璫琨篠簜。齒革羽毛惟木。島夷卉服。厥篚織貝。厥包橘柚。錫貢沿于江海。達于淮泗。荊及衡陽惟荊州。江漢朝宗于海。九江孔殷。沱潛既道。雲土夢作乂。厥土惟塗泥。厥田惟下中。厥賦上下。厥貢羽毛齒革。惟金三品。杗榦栝柏。礪砥砮丹。惟箇簠楛。三邦底貢。厥名包匭菁茅。厥篚玄纁璣組。九江納錫大龜。浮于江。沱潛漢逾于洛。至于南河。荊河惟豫州。伊洛瀍澗。既入于河。滎波既豬。導荷澤。被孟諸。厥土惟壤。下土墳壙。厥田惟中上。厥賦錯上中。厥貢漆枲絺紵。厥篚織纈。錫貢磬錯。浮于洛。達于河。華陽黑水惟梁州。岷嶓既藝。沱潛既道。蔡蒙旅平。和夷底績。厥土青黎。厥田惟下上。厥賦下

中三錯。厥貢璆鐵銀鏤咎磬。熊羆狐狸織皮。西傾因桓是來。浮于潛。逾于沔。入于渭。亂于河。黑水西河惟雍州。弱水既西。涇屬渭汭。漆沮既從。豐水攸同。荆岐既旅。終南惇物。至于鳥鼠。原隰底績。至于豬野。三危既宅。三苗丕斂。厥土惟黃壤。厥田惟上上。厥賦中下。厥貢球琳琅玕。浮于積石。至于龍門。西河會于渭汭。織皮。崑崙析支渠搜。西戎卽敘。導岍及岐。至于荆山。逾于河。壺口雷首。至于太岳。底柱析城。至于玉屋。太行恆山。至于碣石。入于海。西傾朱圉鳥鼠。至于太華。熊耳外方桐柏。至于陪尾。導嶓冢。至于荆山。內方至于大別。岷山之陽。至于衡山。過九江。至于敷淺原。導弱水。至于合黎。餘波入于流沙。導黑水。至于三危。入于南海。導河積石。至于龍門。南至于華陰。東至于底柱。又東至于孟津。東過洛汭。至于大伾。北過洛水。至于大陸。又北播爲九河。同爲逆河。入于海。嶓冢導漾。東流爲漢。又東爲滄浪之水。過三澨。至于大別。南入于江。東匯澤爲彭蠡。東爲北江。入于海。岷山導江。東別爲沱。又東至于澧。過九江。至于東陵。東迤北會于匯。東爲中江。入于海。導沈水。東流爲濟。入于河。溢爲滎。東出于陶丘北。又東至于荷。又東北會于汶。又北東入于海。導淮自桐栢。東會于泗沂。東入于海。導渭自鳥鼠同穴。東會于澧。又東會于涇。又東過漆沮。入于河。導洛自熊耳。東北會于澗瀍。又東會于伊。又東北入于河。九州攸同。四隩既宅。九山刊旅。九川滌源。九澤旣陂。四海會同。六府孔修。庶土交正。底慎財賦。咸則三壤。成賦中邦。錫土姓。祇台德先。不距朕行。五百里甸服。百里賦納總。二百里納銍。三百里納秸服。四百里粟。五百里米。五百里侯服。百里采。二百里男

邦三百里諸侯五百里綬服三百里揆文教二百里奮武衛五百里要服三百里夷二百里蔡五百里荒服三百里蠻二百里流東漸于海西被于流沙朔南暨聲教訖于四海禹錫玄圭告厥成功〔書序〕禹別九州

任土作貢。〔史記〕禹乃行。相地宜所有以貢。及山川之便利。禹行自冀州始。冀州既載壺口。治梁及岐。既修太原。至于嶽陽。覃懷致功。至于衡漳。其土白壤。賦上上錯。田中中。常衛既從。大陸既爲。鳥夷皮服。夾右碣石入於海。濟河維沅州。九河既道。雷夏既澤。雍沮會同。桑土既蠶。於是民得下居土。其土黑墳。草繇木樛。田中下。賦貞作十有三年。乃同。其貢漆絲。其篚織文。浮於濟。通於河。海岱維青州。嵎夷既略。濰淄其道。其土白墳。賦貢濟。厥田斥鹵。田上下。賦中上。厥貢鹽絺。海物維錯。岱畎絲枲。鈐松怪石。萊夷爲牧。其篚膏絲。浮於汶。通於濟。土五色。羽畎夏翟。嶧陽孤桐。泗濱浮磬。淮夷蠙珠。魚。其篚玄纁。縞。浮於淮。泗。通於河。淮海維揚州。彭蠡既都。陽鳥所居。三江既入。震澤致定。竹箭既布。其包橘柚錫貢。均羽旄藻。通淮。泗。金三品。荆及衡陽。維荊州。江漢朝宗于海。九江甚中。竹箭。齒革。羽毛。島夷卉服。其篚織貝。田下中。賦上下。貢羽旄藻。通淮。泗。金三品。荆及衡陽。維荊州。江漢朝宗于海。九江甚中。沱潛已道。雲土夢爲治。其土塗泥。田下中。賦上下。貢羽旄藻。通淮。泗。金三品。荆及衡陽。維荊州。江漢朝宗于海。九江甚中。致貢其名。包匭菁茅。其篚玄纁。織組。九江入賜大龜。浮於江。沱。潛。於漢。踰于雒。至于南河。荊河維豫州。伊維瀍澗。既入於河。榮播既都。道荷澤。被明都。其土壤。下土墳壩。田中上。賦維上中。貢漆絲。紵。紵。其篚織絮。錫貢磬錯。浮於淮。達於河。華陽黑水。維梁州。岐嶓既薺。沱潛既道。蔡蒙旅平。和夷底績。其土青驪。田下上。賦下中三錯。貢璆銀。錫。磬。熊羆。狐。狸。織皮。西傾因桓。是來。浮于潛。踰于沔。入于渭。亂于河。黑水。西河。維雍州。弱水。既西。溼。壤。田上下。賦中下。貢璆琳。琅玕。浮於積石。至于龍門。西河。會于渭。納。績。至于都野。三危既度。西戎即序。道九山。黃。及岐。至于荆山。踰于桐柏。壺口雷首。至于太嶽。砥柱析城。至于王屋。太行常山。至于碣石。入于海。西傾。朱圉。鳥鼠。至于太華。熊耳。外方。桐柏。至于負尾。道嚳冢。至于荆山。內方。至于大別。汶山之陽。至于衡山。南至華陰。東至。淺原。道九川。弱水。至于合黎。餘波入於流沙。道黑水。至于三危。入于南海。道河。積石。入于海。汶山。道江。東出陶丘北。又東。漢。又東爲蒼浪之水。過三澨。入于大別。南入于江。東匯澤爲彭蠡。東爲北江。入于海。汶山。道江。東出陶丘北。又東。至于醴。過九江。至于東陵。東迤北會于匯。車爲中江。入于海。道沅水。東爲濟。入于河。汶山。道江。東出陶丘北。又東。東至于荷。又東北會于汶。又東北入于海。道淮。自桐柏。東會于泗。沔。東入于海。道渭。自鳥鼠同穴。東會于澧。又東。北至于涇。東過漆沮。入于河。道維自熊耳。東北會于澗。又東會于伊。東北入于河。於是九州攸同。四奧既居。九

山梁旅。九川滌原。九澤既陂。四海會同。六府甚修。衆土交正。致慎財賦。咸則三壤。成賦中國。賜土姓。祇台德先。不距朕行。令天子之國以外。五百里甸服。百里賦納總。二百里納銍。三百里納秸服。四百里粟。五百里米。甸服外。五百里侯服。百里采。二百里在國。三百里諸侯。侯服外。五百里綏服。三百里揆文教。二百里蠻。綏服外。五百里要服。三百里夷。二百里蠻。要服外。五百里荒服。三百里蠻。二百里流。東漸于海。西被于流沙。朔南暨聲教。訖于四海。於是帝錫禹玄圭。以告成功於天下。天下於是太平治。○史載禹貢。多增損變易其文。〔帝王世紀〕禹治水畢。天賜玄圭。西戎渠搜國。服禹之德。獻其珍裘。〔宋符瑞志〕玄圭水泉。流通四海。會同則出。飛菟者神馬之名也。日行三萬里。禹治水。勤勞歷年。救民之害。天應其德而至。○史載禹貢。多增損變易其文。〔帝王世紀〕禹治水畢。治水而至。〔十洲記〕禹治洪水既畢。乃乘驪車。度弱水。而到鐘山。祠上帝於北阿。歸大功於九天。○前編。禹受命平水土。在帝堯七十二載。禹告成功。在帝堯八十載。即舜攝位之八載。

【呂氏春秋】禹之決江水也。民聚瓦礫。事已成功。已立爲萬世利。禹之所見者遠也。而民莫知之。

【新書】大禹曰。民無食也。則我弗能使也。功成而不利於民。我弗能勸也。故環河而導之。九牧鑿江而導之。九路澄五湖而定東海。民勞矣。而弗苦者。功成而利於民也。

【史記】帝顓頊之苗裔孫曰女脩。女脩織玄鳥隕卵。女脩吞之。生子大業。大業取少典之子曰女華。女華生大費。與禹平水土。已成。帝錫玄圭。禹受曰。非予能成。亦大費爲輔。帝舜曰。咨。爾費。贊禹功。其賜爾阜游。爾後嗣將大出。乃妻之姚姓之玉女。大費拜受。佐舜調馴鳥獸。鳥獸多馴服。是爲柏翳。舜賜姓嬴氏。○嬴姓宜

祖少昊氏。帝顓頊其母家耳。史但舉其母氏而遺其祖。疏矣。○按百蟲將軍顯靈碑云。將軍姓伊氏。韓益字隕散。帝高陽之第二子伯益者也。據此。則伯益卽八愷中之隕散。與伯翳爲二人矣。

【山海經】招搖之山。臨于西海之上。多桂多金玉。有草焉。其狀如韭而青花。其名曰祝餘。食之不饑。有木焉。其狀如穀而黑理。其花四照。其名曰迷穀。佩之不迷。有獸焉。其狀如禺而白耳。伏行人走。其名曰狴狴。

食之善走。麗麇之水出焉。而西流注于海。其中多育沛。佩之無瘕疾。〔郭璞圖讚〕狴狴似猴。走立行伏。權本擬爰有奇樹。產自招搖。厥華流光。上映重霄。佩之不惑。潛有靈標。柜山西臨流黃。北望諸毗。東望長石。英水出焉。西南流注于赤水。其中多

白玉。多丹粟有獸焉。其狀如豚有距。其音如吠狗。其名曰狸力。見則其縣多土功。有鳥焉。其狀如鴟。而人手。其音如痺。其名曰鵠。其鳴自號也。見則其縣多放士。〔圖讚〕慧星橫天。鯨魚死浪。鵠鳴於邑。賢士見放。厥理至微。言之無況。太華之山。削

成而四方。其高五千仞。其廣十里。鳥獸莫居。有蛇焉。名曰肥瓿。六足四翼。見則天下大旱。〔圖讚〕華嶽靈峻。女。是挹玉漿。其誰遊之。龍駕雲裳。肥瓿爲物。與

災合契。鼓翼陽山。以表亢厲。桑林既禱。倏忽潛逝。自錢來之山。至于驪山。凡十九山。華山家也。其祠之禮

太牢。踰山神也。祠之用燭。齋百日。以百犧。瘞用百瑜。湯其酒百樽。嬰以百珪百璧。以餘十七山之屬。皆毛

怪。用一羊祠之。燭者百草之未灰。白蓆采等純之。崇吾之山。在河之南。北望冢遂。南望畱之澤。西望帝

之搏獸之丘。東望嶠淵。有木焉。員葉而白柎。赤華而黑理。其實如枳。食之宜子孫。有獸焉。其狀如禺。而文

臂豹虎。而善投。名曰舉父。有鳥焉。以狀如鳬。而一翼一目。相得乃飛。名曰蠻蠻。見則天下大水。〔圖讚〕比翼

青赤。雖云一形。氣同體隔。延頸離鳥。翻飛合翮。峯山。其狀多丹木。員葉而赤莖。黃華而赤相。其味如飴。食之不饑。丹水出焉。西

流注于稷澤。其中多白玉。是生玉膏。其源沸沸湯湯。黃帝是食。是饗。是生玄玉。玉膏所出。以灌丹木。丹木

五歲。五色乃清。五味乃馨。黃帝乃取峯山之玉榮。而投之鍾山之陽。瑾瑜以玉爲良。堅栗精密。濁澤而有

光。五色發作。以和柔剛。天地鬼神。是食是饗。君子服之。以禦不祥。自峯山以至鍾山。四百六十里。其間盡

澤也是多奇鳥怪獸奇魚皆異物焉。

○韻語奇古。光彩流映。氣如虹霞。

〔圖讚〕鍾山之寶。爰有玉華。鍾山之神。名曰燭陰。視爲

畫。暝爲夜。吹爲冬。呼爲夏。不飲不食不息。息爲風。身長千里。其爲物。人而蛇身。赤色。居鍾山下。槐江之

山。丘時之水出焉。而流注于泐水。其中多羸母。其上多青雄黃。多藏琅玕黃金玉。其陽多丹粟。其陰多采

黃金銀。實惟帝之平圃。神英招司之。其狀馬身而人面。虎文而鳥翼。徇于四海。其音如榴。南望崑崙。其光

熊熊。其氣魂魂。西望大澤。后稷所潛也。其中多玉。其陰多搖木之有若。北望諸毗。槐鬼離侖居之。鷹鷂之

所宅也。東望恒山。四成有窮鬼居之。各在一搏。爰有搖水。其清洛洛。有天神焉。其狀如牛。而八足二首。馬

尾。其音如勃皇。見則其邑有兵。○雜敘山川鬼神。事物迫湊。曲折生動。〔圖讚〕槐江之山。英招是主。巡遊四海。

尾。其音如勃皇。見則其邑有兵。

○雜敘山川鬼神。事物迫湊。曲折生動。

〔圖讚〕槐江之山。英招是主。巡遊四海。

●食之靈化。衆名仙錄。

崑崙之丘。是實惟帝之下都。神陸吾司之。其神狀虎身而九尾。人面而虎爪。是神也。司天之

九部。及帝之囿時。有獸焉。其狀如羊而四角。名曰土螻。是食人。有鳥焉。其狀如蜂。大如鴛鴦。名曰欽原。蠶

鳥獸則死。蠶木則枯。有鳥焉。其名曰鶉鳥。是司帝之百服。有木焉。其狀如棠。黃華赤實。其味如李。而無核。

名曰沙棠。可以禦水。食之使人。不溺。有草焉。名曰薺草。其狀如葵。其味如蔥。食之已勞。〔圖讚〕安得沙棠。制

爲龍舟。汎彼滄海。

眇然遐遊。聊以道遙。任波去情。

海內崑崙之墟。在西北帝之下都。崑崙之墟。方八百里。高萬仞。上有木禾。長五尋。大五

圍。面有九井。以玉爲檻。面有九門。門有開明獸守之。百神之所在。在八隅之巖。赤水之際。非仁羿莫能上

岡之巖。崑崙南淵。深三百仞。開明獸。身大類虎。而九首。皆人面。東嚮立崑崙上。開明西有鳳凰。鸞鳥。皆戴

蛇踐蛇。膺有赤蛇。開明北有視肉。珠樹。文玉樹。玕琪樹。不死樹。鳳凰。鸞鳥。皆戴啟。又有離朱。木禾。柏樹。甘水。聖木。曼兌。一曰挺木。牙交。開明東有巫彭。巫抵。巫履。巫凡。巫相。夾窳窳之尸。皆操不死之藥。以距之。窳窳者。蛇身人面。貳負臣所殺也。服常樹。其上有三頭人。伺琅玕樹。開明南有樹鳥。六首蛟。蝮蛇。蜺豹。鳥秩樹。於表池樹木。誦鳥。鶉。視肉。〔圖讀〕崑崙之陽。鴻鸞之阿。爰有嘉穀。號曰木禾。匪植匪藝。自然靈播。文玉玕琪。方以類叢。翠葉倚葵。丹柯玲瓏。玉光爭煥。彩艷火龍。萬物暫見。人生如寄。不死之樹。壽蔽天地。請藥西姥。烏得如羿。崑崙之丘。有神人面虎身。有文。有尾。皆白。處之。其下有弱水之淵。環之。其外有

炎火之山。投物輒然。有人戴勝虎齒。有豹尾。穴處。名曰西王母。此山萬物盡有。〔圖讀〕天帝之女。蓬髮虎顏。穆王執轡。賦詩交歡。韻外之事。難以具言。西王母梯几而戴勝杖。其南有三青鳥。爲西王母取食。在崑崙虛北。有沃之國。沃民是處。沃之

野。鳳鳥之卵是食。甘露是飲。凡其所欲。其味盡存。爰有甘華。甘柎。白柳。視肉。三騅。璇瑰。瑤碧。白木。琅玕。白丹。青丹。多銀鐵。鸞鳥自歌。鳳鳥自舞。爰有百獸。相羣。爰處。是謂沃之野。有三青鳥。赤首黑目。一名曰大鷖。

一名少鷖。一名曰青鳥。積石之山。其下有石門。河水冒以西流。是山也。萬物莫不有焉。天山多金玉。有神焉。其狀如黃囊。赤如丹火。六足四翼。渾敦無面目。是識歌舞。實惟帝江也。〔圖讀〕實則混沌。神則旁通。自然靈照。聽不以聰。強爲之帝江。渤山。神蓐收居之。其上多嬰短之玉。其陽多瑾瑜之玉。其陰多青雄黃。是山也。西望日之所入。其

氣員。神紅光之所司也。青要之山。實惟帝之密都。北望河曲。是多駕鳥。南望壇洛。禹父之所化。是多僕

壘。蒲盧。魍武羅司之。其狀人面而豹文。小腰而白齒。而穿耳以鑲。其鳴如鳴玉。是山也。宜女子。殄水出焉。

而北流注于河。其中有鳥焉。名曰鵯。其狀如鳬。青身而朱目赤尾。食之宜子。有草焉。其狀如蕞。而方莖。黃華赤實。其本如藁。本名曰苟草。服之美人色。〔圖讀〕鵯鳥似鳬。翠羽朱目。既麗其形。亦奇其肉。婦女是食。子孫繁育。苟草赤實。厥狀如菅。婦人服之。練色易顏。夏姬是豔。

三遷。〔厥媚〕洞庭之山。其上多黃金。其下多銀鐵。其木多粗梨橘櫟。其草多蕞。麋蕪芍藥。芎藭。帝之二女居之。

是常遊于江淵。澧沅之風交。瀟湘之淵。是在九江之間。出入必以飄風暴雨。是多怪神。狀如人而載蛇。左

右手操蛇。多怪鳥。〔圖讀〕厥苞橘櫟。奇者維甘。朱實金鮮。葉蓓翠藍。靈均是詠。以為美談。帝之二女。爰宅洞庭。游化五江。惚恍窈冥。號曰夫人。是維湘靈。豐山有獸焉。其狀如

蟻。赤目赤喙。黃身。名曰雍和。見則國有大恐。神耕父處之。常遊清冷之淵。出入有光。見則其國為敗。有九

鐘焉。是知霜鳴。其上多金。其下多穀柞。枿。枿。〔圖讀〕清冷之淵。在乎山頂。耕父是遊。流光灑景。黔首祀祭。以弭災眚。饒崩涇竭。麟嗣目潞。九鐘將鳴。凌霜乃落。氣之相應。觸

惑而有壽麻之國。壽麻正立無景。疾呼無響。爰有大暑。不可以往。犬封國曰犬戎。國狀如犬。有一女子

方跪進杯食。有文馬。縞身赤鬣。目若黃金。名曰吉量。乘之壽千歲。〔圖讀〕金睛朱鬣。龍行駿時。拾節鴻驚。塵不及起。是謂吉量。釋聖騶里。湯

谷。上有扶桑。十日所浴。居水中有大木。九日居下枝。一日居上枝。有女和月母之國。有人名曰臯。北方

曰臯來之風。曰狫。是處東極隅。以止日月。使無相間。出沒司其短長。林氏國有珍獸。大若虎。五彩畢具。

尾長於身。名曰騶吾。乘之。日行千里。〔圖讀〕怪獸五彩。尾參於身。矯足千里。倏忽若神。是謂騶虞。詩歎其仁。巴蛇食象。三歲而出其骨。君子

服之。無心腹之疾。其為蛇。青黃赤黑。一曰黑蛇。青首。〔圖讀〕象實巨獸。有蛇吞之。越出其骨。三年為期。厥大如何。屈生是疑。有木。其狀如牛。

引之有皮。若纓黃蛇。其纓如羅。其實如欒。其木如藎。其名曰建木。〔圖讀〕爰有建木。黃實紫柯。皮如蛇纓。葉有素維。絕蔭弱水。義人則過。○山海經所